

四庫全書

集部

欽定四庫全書

文忠集卷五十一

宋 歐陽修 撰

外集一

樂府

擬玉臺體七首

欲眠

行人夜已斷
明河南陌頭
雙璫不擬解
更欲要君留

攜手曲

落日隄上行獨歌攜手曲却憶攜手人處處春華綠

雨中歸

朝看樓上雲日暮城南雨路遠香車遲迢迢向何所

別後

連環結連帶贈君情不忘暫別莫言易一夕九回腸

夜夜曲

浮雲吐明月流影玉堦陰千里雖共照安知夜夜心

落日窓中坐

朝聞驚禽去日暮見禽歸
瑤琴坐不理含情復為

一作與

誰

領邊繡

雙鴛刺繡領粲爛五文章
暫近已復遠猶持歌扇障

古詩一

七交七首

河南府張推官

堯夫大雅哲稟德實溫粹霜筠秀含潤玉海湛無際平
明坐大府官事盈案几高談遣放紛外物不能累非惟
席上珍乃是青雲器

尹書記

師魯天下才神鋒凜豪雋逸驥卧秋櫪意在駃駃迅平
居弄翰墨揮灑不停瞬談笑帝王略驅馳古今論良工
正求玉片石胡為韞

楊戶曹

子聰江山稟弱歲擅奇譽盱衡恣文辯落筆妙言語胡
為冉冉趨三十滯官府美璞思善價浮雲有夷路大雅
惡速成俟命宜希古

梅主簿

聖俞翹楚才乃是東南秀玉山高岑岑映我覺形陋離
騷喻草香詩人識鳥獸城中爭擁鼻欲學不能就平日
禮文賢寧久滯奔走

張判官

洛城車隆隆曉門爭道入連袂紛如帷文者豈無十壯
矣張太素拂羽擇其集遠慕鄴才子一笑懽相挹雖有
軒與冕攀翔莫能及人將孰君子盍視其遊執

王秀才

幾道顏之徒沈深務覃聖采藻薦良璧文潤相輝映入
市羊駕車談道犀為柄時時一文出往往紙價盛無為
戀丘樊遂滯蒲輪聘

自叙

余本漫浪者茲亦漫為官胡然類鴟夷託載隨車轅時
士不俛眉默默誰與言賴有洛中俊日許相躋攀飲德
醉醇耐襲馨佩春蘭平時罷軍檄文酒聊相歡

答楊闢

一作子靜

喜

一作祈

雨長句

吾聞陰陽在天地升降上下無時窮環回不得不差失
所以歲時無常豐古之為政知若此均節收斂勤人功

三年必有一年食九歲

一作年

常備三歲

一作年

凶縱令水

旱或

一作忽

時遇以多補少能相通今者吏愚不善政民

亦游情離於農軍國賦斂急星火兼并奉養過王公終

年之耕幸一熟聚而耗者多於蠶是以比歲屢一作黑登

稔然而民室常虛空遂令一時暫一作遭不雨輒以困急

號天翁一作公賴天閔民不責吏甘澤一作澍流布何其濃

農當勉力吏當愧敢不酌酒澆神龍

嵩山十二首

公路澗

驅馬渡寒流斷澗橫荒堡槎危欲歆岸花落多依草擊

汰翫游條倒影看飛鳥留連愛芳杜漸下西峯照

拜馬澗

昔聞王子晉挹袂浮丘仙金駿於此墮吹笙不復還玉
蹄無迹久澗草但荒烟

二室道

二室對峒堯羣峯聳嶢直雲隨高下起路轉參差碧春
晚桂叢深日下山烟白芝英已可茹悠然想泉石

自峻極中院步登太室中峯

繫馬青松陰躡屣蒼崖路驚鳥動林花空山答人語雲
霞不可攬直入冥冥霧

玉女窓

玉女不可邀蒼崖鬱岌直石乳滴空竇仰見沈寥碧徒
倚難久留桂樹含春色

玉女擣衣石

玉女擣仙衣夜下青松嶺山深風露寒月杵遙相應靈
蹤杳可尋片石秋光瑩

天門

石徑方盤紆雙峯忽中斷呀豁青冥開畜泄烟雲亂杉
蘿試舉手自可階天漢

天門泉

舊號救命泉惡其名鄙因取美名
書為續命泉大書三字立于泉側

烟霞天門深靈泉吐巖側雲濕巔氣寒石老林腴碧長
松暫休坐一酌煩心滌

天池

高步登天池靈源湛然吐俯窺不可見淵默神龍護靜

夜天

一作松

籟寒宿客疑風雨

三醉石

三醉石在八仙壇上南臨巨崖峯岫迤邐蒼烟白雲鬱鬱在下物外之適相與配酌

坐石敬醉似非人間因索筆目梅聖俞書三醉字於石上而三人者又各題其姓名而刻之

拂石登古壇曠懷聊共醉雲霞伴酣樂忽在千峯外坐
久還自醒日落松聲起

峻極寺

路入石門見蒼蒼深靄間雲生石砌潤木老天風寒客
來依依返照徙倚聽山蟬

中峯

望望不可到行行何屈盤
一徑林杪出千巖雲下看烟嵐
半明滅落照在峯端

初秋普明寺竹林小飲餞梅聖俞分韻得亭臯木
葉下五首

臨水復歌石陶然同醉醒
山霞坐未斂池月來亭亭
洛城風日美秋色滿蘅臯
誰同茂林下掃葉酌松醪
野水竹間清秋山酒中綠
送子此酣歌淮南應落木

勸客芙蓉盃欲舉芙蓉葉垂楊礙行舟演漾回輕櫂
山水日已佳登臨同上下衰蘭尚可採欲贈離居者

和謝學士泛伊川浩然無歸意因詠劉長卿佳句
作欲留篇之什

久不見南山依然已秋色悠哉川上行復邀城中客木
落山半空川明潦尤積飛鳥鑑中看行雲舟中白夷猶
白蘋裏笑傲清風側極浦追所疑遠回峯高易夕觴詠
共留連高懷追昔賢惟應謝公興不減向臨川

戲書拜呈學士三大

淵明本嗜酒一錢常不持人邀輒就飲
酩酊籃輿歸歸來步三徑索寞繞東籬
詠句把黃菊望門逢白衣欣然復坐酌
獨醉卧斜暉

和楊子聰答聖俞月夜見寄

秋露靄已繁迢迢星漢回皎潔庭際月
流光依井苔有客愛涼景幽軒為君開
所思不可極但慰清風來

謝人寄雙桂樹子

有客賞芳叢移根自幽谷為懷山中趣愛此崑下綠
曉露秋暉浮清陰藥欄曲更待繁花白邀君弄芳馥

雨中獨酌二首

老大世情薄掩關外郊原英英少年子誰肯過我門
宿雲屯朝陰暑雨清北軒逍遙一罇酒此意誰與論
酒味正薰烈吾心方浩然鳴禽時一弄如與古人言

幽居草木深蒙籠蔽窻戶鳥語知天陰蛙鳴知天雨
亦復命罇酒欣茲却煩暑人情貴自適獨樂非鐘鼓
出門

何所之閉門誰我顧

庭前兩好樹

庭前兩好樹日夕欣相對風霜歲苦晚枝葉常葱翠
午眠背清陰露坐蔭高蓋東城桃李月車馬傾闌闔而我
不出門依然伴憔悴榮華不隨時寂寞幸相慰君子固
有常小人多變態

綠竹堂獨飲

夏簟解擇陰加繆卧齋公退無喧囂清和况復值佳月

翠樹好鳥鳴咬咬芳樽有酒美可酌胡為欲飲先長謠
人生暫別客秦楚尚欲泣淚相攀邀況茲一訣乃永已
獨使幽夢恨蓬蒿憶予驅馬別家去去時柳陌東風高
楚鄉留滯一千里歸來落盡李與桃殘花不共一日看
東風送哭聲嗷嗷落池不見青春色白楊但有風蕭蕭
姚黃魏紫開次第不覺成恨俱零凋榴花最晚今又折
紅綠點綴如裙腰年芳轉新物轉好逝者日與生期遙
予生本是少年氣磋磨牙角爭雄豪馬遷班固洎歆向

下筆點竄皆嘲嘈客來共坐說今古紛紛落盡玉塵毛
彎弓或擬射石虎又欲醉斬荆江蛟自言剛氣貯心腹
何爾柔軟為脂膏吾聞莊生善齊物平日吐論竒牙聲
憂從中來不自遣強叩瓦缶何饒饒伊人達者尚乃爾
情之所鍾况吾曹愁填胸中若山積雖欲強飲如沃焦
乃判疑自古英壯氣不有此恨如何消又聞浮屠說生
死滅沒謂若夢幻泡前有萬古後萬世其中一世獨虻
螳安得獨灑一榻淚欲助河水增滔滔古來此事無可

奈不如飲此樽中醪

暇日雨後綠竹堂獨居兼簡府中諸僚

新晴竹林茂日夕愛此君佳禽哢翠樹若與幽人親掃
徑綠苔靜引流清派分開軒見遠岫歌枕送歸雲桐槿
漸秋意琴觴懷友文浩然滄洲思日厭京洛塵車騎方
開府梁王多上賓平時罷飛檄行樂喜從軍騎省悼亡
後漳濱多病身南窓若可做方事陶潛巾

江上彈琴

江水深無聲江雲夜不明抱琴舟上彈棲鳥林中驚遊
魚為跳躍山風助清冷境寂聽愈真絃舒心已平用茲
有道器寄此無景情經緯文章合諧一作調和雌雄鳴颯
颯驟風雨隆隆隱雷霆無射變凜冽黃鍾催發生詠歌
文王雅怨刺離騷經二典意澹薄三盤語丁寧琴聲雖
可狀琴意誰可聽

送白秀才西歸

白子來自西投我文與書升階揖讓席言氣溫且舒萬

轍走聲利獨趨仁義塗仁義荒已久斤鋤費耕除吾常
患力寡欣子好古徒終當竭其力剗治為通衢旌旄侍
天子安駕五輅車盡驅天子疑民垂白歌其隅子其從
我游有志知何如

鞏縣初見黃河

河決三門合四水徑流萬里東輸海鞏洛之山夾而峙
河來齧山作沙嘴山形迤邐若奔避河益泓泓怒而訾
舟師弭楫不以帆頃刻奔過不及視舞波淵旋投沙渚

聚沫倏忽為平地，下窺莫測濁且深。
癡龍恠魚肆憑恃，我生居南不識河。
但見禹貢書之記，其言河狀鉅且猛。
驗河質書信皆是，昔者帝堯與帝舜有子朱商，不堪嗣。
皇天意欲開禹聖，以水病堯民，以潰堯愁，下人瘦若腊。
衆臣薦鯀，帝曰：「其試之。」九載功不成，遂殛羽山，慙而斃。
禹羞父罪，哀且勤，天始以書畀於姒。書曰：「五行水潤下，
禹得其術，因而治。鑿山疏流，浚畎澮，分擘枝派，有條理。
萬邦入貢，九州宅生人，始免生鱗尾功。深德大夏，以家。

施及三代蒙其利江海淮濟洎漢沔豈不浩渺汪而大
收波卷怒畏威德萬古不敢肆凶厲惟茲濁流不可律
歷自秦漢尤為害崩堅決壅勢益橫斜跳旁出惟其意
制之以力不以德驅民就溺財隨弊蓋聞河源出崑崙
其山上高大無際自高瀉下若激箭一直一曲一千里
湍雄衝急乃迸溢其勢不得不然爾前歲河怒驚滑民
浸漱洋洋淫一作注不止滑人奔走若鋒駭河伯視之以
為戲呀呀怒口缺若門日啖薪石萬萬計明堂天子聖

且神悼河不仁嗟曰喟河伯素頑不可令至誠一感惶
且畏引流辟易趨故道閉口不敢煩官吏遵塗率職直
東下咫尺莫可離其次爾來歲星行一周民牛飽芻邦
羨費滑人居河飲河流耕河之孺浸河漬嗟河改凶作
民福嗚呼明堂聖天子

代書寄尹十一兄楊十六王三

竝轡登北原分手昭陵道秋風吹行衣落日下霜草昔
日憩鞏縣信馬行苦早行行過任村遂歷黃河隩登高

望河流洶洶若怒鬪予生平居南但聞河浩渺停鞍暫
遊目茫洋肆驚跳並河行數曲山陂亦縈繞嬰兒子與山
口呀險乃天竈秤鈎真如鈎上下欲顛倒虎牢吏當關
譏問名已告滎陽夜聞雨故人留我笑明朝已高塵輶
車引旌纛傳云送主喪窀穸詣墳兆後乘皆輜輶輪轂
相輝照辟易未及避廬兒已呵噉午出鄭東門下馬僕
射廟中牟去鄭遠記里十餘堠抵牟日已暮僕馬困米
藁漸望閭闔門岨若中天表趨門爭道入羈鞅不及掉

浪壇遊九衢風埃嘆何浩京師天下聚奔走紛擾擾但
聞街鼓喧忽忽夜復曉追懷洛中俊已動思歸操為別
未期月音塵一何杳因書寫行役聊以為君導

別聖俞

車馬古城隅喧喧分曉色行人念歸塗居者徒慘惻薄
宦共羈旅論交喜金石薦以朋酒懽寧知歲月適人事
坐云變出處俄乖隔關山自茲始揮袂舉輕策歲暮寒
雲多野曠陰風積征蹄踐嚴霜別酒臨長陌應念同時

人獨為未歸客

送劉秀才歸河內

落日古京門車馬動行色河上多悲風山陽有歸客朽
篋蠹蟲篆遺文慕鳥跡言于有司知豈顧時人識山陂
歲始寒霰雪密已積還家寧久留方言事征輶

文忠集卷五十一

欽定四庫全書

文忠集卷五十二

宋 歐陽修 撰

外集二

古詩二

數詩

一室曾何掃居閒俗慮平二毛經節變青鑑不須驚三
復磨圭戒深防悔吝生四愁寧敢擬高詠且陶情五鼎

期君祿無思死必烹六奇還自秘海寓正休兵七日南
山霧彪文幸有成八門當鼓翼凌厲指霄程九德方居
位皇猷日月明十朋如可問從此卜嘉亨

答錢寺丞憶伊川

之子問伊川伊川已春色綠芷離芳浦青溪含白石山
阿昔留賞履齒無遺迹惟有嵒桂花留芳待歸客

書懷感事寄梅聖俞

相別始一歲幽憂有百端乃知一世中少樂多悲患

平聲

每憶少年日未知人事艱顛狂無所關落魄去羈牽三
月入洛陽春深花未殘龍門翠鬱鬱伊水清潺潺逢君
伊水畔一見已開顏不暇謁大尹相攜步香山自茲慙
所適便若投山猿幕府足文士相公方好賢希深好風
骨迥出風塵間師魯心磊落高談義與軒子漸口若訥
誦書坐千言彥國善飲酒百盞顏未丹幾道事閒遠風
流如謝安子聰作參軍常跨破虎韉子野乃禿翁戲弄
時脫冠次公才曠奇王霸馳筆端聖俞善吟哦共嘲為

閨仙惟予號達老醉必如張顛洛陽古郡邑萬戶美風
烟荒涼見宮闕表裏壯河山相將日無事上馬若鴻翩
出門盡垂柳信步即名園嫩篠筠粉暗淥池萍錦翻殘
花落酒面飛絮拂歸鞍尋盡水與竹忽去高峯巔青蒼
緣萬仞杳靄望山川花草窺澗竇崎嶇尋石泉君吟倚
樹立我醉歌雲眠子聰疑日近謂若手可攀共題三醉
石題在八仙壇水雲心已倦歸坐整盃盤飛瓊始十八
妖妙猶雙環疑寒篁暖鳳觜銀甲調鴈絃自製白雪曲

始送黃金船珠簾捲明月夜氣如春烟燈花弄粉色酒
紅生臉蓮東堂榴花好點綴裙腰鮮插花雲髻上展簾
綠陰前樂事不可極酣歌變為歎平聲詔書走東下丞相
忽南遷送之伊水頭相顧淚潛潛臘月相公去君隨赴
春官送君白馬寺獨入東上門故府誰同在新年獨未
還當時作此語間者已依然

雜言答聖俞見寄兼簡東京諸友

昔君居洛陽樂事無時有賓府富文章謝墅從親友豐

年政頗簡命駕時為偶不問竹林主仍攜步酒兵芬芳

菲一作弄嘉月翠綠相森茂

聞梅二授德興戲書

君家謝宣城為客洛陽裏綠髮方少年青衫喜為吏重
湖亂山綠歸夢寄千里洛浦見秋鴻江南老芳芷自言
北地禽能感南人耳京國本繁華馳逐多英軌爭歌白
雪曲取酒西城市朝逢油壁車暮結青驄尾歲月倏可
忘行樂方未已忽爾畏簡書翻然浩歸思江山故國近

風物饒陽美楚柚煙中黃吳萼波上紫還鄉問井邑上
堂多慶喜離別古所難更畏秋風起

戲贈

莫愁家住洛川傍十五纖腰聞四方堂上金樽邀上客
門前白馬繫垂楊春風滿城花滿樹落日花光爭粉光
城頭行人莫駐馬一曲能令君斷腸

寄左軍巡劉判官

遙聽洛城鐘獨渡伊川水綠樹鬱參差行人去無已因

高望京邑驅馬沿山趾落日亂峯多龍門何處是

罷官後初還襄城敝居述懷十韻回寄洛中舊僚
路盡見家山欣然望吾廬陋巷叩柴扉迎候遙驚呼兒
童戲竹馬田里邀籃輿春桑鬱已綠歲事催農夫朝日
飛雉雠東臯新雨餘植杖望遠林行歌登故墟夙志在
一壑茲焉將荷鋤言謝洛社友因招洛中愚馬卿已倦
客嚴安猶獻書行矣方于役豈能遂歸歟

和聖俞聚蚊

頽陽照窮巷暑退涼風生夫子卧環堵振衣步前楹愁
烟四隣起鳥雀喧空庭餘景藹欲昏衆蚊復一作衆薨薨

羣飛豈能數但厭聲營營抱琴不暇撫揮麈無由停散
帙復歸卧詠言聊寫情覆載無巨細善惡皆生成朽木
出衆蠹腐草為飛螢書魚長陰濕醯雞由鬱蒸豕鬣固
多虱牛閑長聚蚩元氣或抑鬱播之為孽腥卑臭乃其
類清虛非所經華堂敞高棟綺疏仍藻扃金缸瑩椒壁
玉壺含夜冰終朝事薰被豈敢近簷簷富貴非苟得抱

節居衡茅陰牆百蟲聚下偃衆穢盈何嘗曲肱樂但苦
聚雷聲江南美山水水木正秋明自古佳麗國能助詩
人情喧囂不可久片席何時征

送劉學士知衡州

楊子懶屬書平居惟嗜酒一沐或彌旬解醒湏五斗淡
爾輕榮利何常問無有忽憶四一作馬歸行為一麾守

湘酎自古醇醺水間名久簿領但盈几聖經不離口湖
田賦稻蟹民訟爭隴畝兀爾即沉冥安能知可否聊為

寄情樂豈與素懷偶藏器思適時投刀寧煩手行當考
官績勿復困甕缶

送張屯田歸洛歌

昔年洛浦見花落曾作悲歌歌落花愁來欲遣何可耐
時向金河尋杜家杜家花雖非絕品猶可開顏為之飲
少年意氣易成懽醉不還家伴花寢一來京國兩傷春
憔悴窮愁九陌塵紅房紫荅處處有騎馬欲尋無故人
黃河三月入隋河河水多時悵望多為憐此水來何處

二字一作處遠

中有伊流與洛波忽聞君至自西京洗眼相看
眼暫明心衰面老畏人問驚我瘦骨清如水今年七月
妹喪夫稚兒孀女啼呱呱季秋九月予喪婦十月厭厭
成病軀端居移病新城下日不出門無過者獨行時欲
強高歌一曲未終雙涕洒可憐明月與春風歲歲年年
事不同暫別已嗟非舊態再來應是作衰翁感時惜別
情無已無酒送君空有淚西歸必有問君人爲道別來
今若此

述懷送張總之

鬱鬱河堤綠樹平
送君因得到東城
落花已盡鶯猶囀
垂柳初長蟬欲鳴
去年送客亦曾到
正值楊花亂芳草
人心不復故時懽
景物自隨時節好
感今懷昔復傷離
一別相逢知幾時
莫辭今日一罇酒
明日思君難重持
東吳山水天下秀
羨君輕舟片帆逗
江城月下夜聞歌
淮浦山前朝放溜
樂哉此行時未晚
萬壑千巖不知遠
可憐病客厭京塵
寂寞淹留已再春
扁舟待得東南下

猶更河橋送幾人

送子野

四時慘舒不可調
冬夏寒暑易鬱陶
春陽著物太軟媚
獨有秋節最勁豪
金方堅剛屏炎障
兌氣高爽清風颭
烟霞破散灝氣豁
山河震發地脉搖
天開寶鑑露寒月
海拍積雪卷怒潮
光輝通透奪星曜
蟠潛驚奮鬪蜃蛟
高樓精爽毛髮竦
壯懷直恐衝斗杓
欲飛輕衣上拂漢
擬乘二氣戲鷺濤
念時文法密於織
羈縻束縛不自聊

豈無策議獻人主
扼持舌在口已膠
當秋且幸際軒豁
誰能兒女聽蟾蜍
君方壯歲襟宇快
名聲樂與家聲高
輕舟從遊山川底
詩酒合興皆翹翹
堪嗟宋玉自悲攪
可並張翰同逍遙
功名富貴有時到
忍把壯節良辰消

送劉十三南遊

決決汴河流
櫓聲過晚浦
行客問吳山
舟人多楚語
春深紫蘭澤
夏早黃梅雨
時應賦登眺
聊以忘羈旅

與李獻臣宋子京春集東園得節字

綠野秀可飡遊驂喜初結芸局苦寂寥禁署隔清切歡
言得幽尋況此及嘉節鳥哢已闐闐泉流初決決紫萼
繁若綴翠苔柔可擷屢期無後時芳物畏鷗鳩

晚泊岳陽

卧聞岳陽城裏鐘繫舟岳陽城下樹正見空江明月來
雲水蒼茫失江路夜深江月弄清輝水上人歌月下歸
一闌聲長聽不盡輕舟短楫去如飛

新開棊軒呈元珍表臣

竹樹日已滋軒窓漸幽興人間與世遠鳥語知境靜春
光藹欲布山色寒尚映獨收萬慮心於此一枰競

代贈田文初

感君一顧重千金贈君白璧為妾心舟中繡被薰香夜
春雪江頭三尺深西陵長官頭已白憔悴窮愁

一作
顏媿

相識手持玉斚唱陽春江上梅花落如積津亭送別君
未悲夢闌酒解始相思須知巫峽聞猿處不似荊江夜
雪時

惠泉亭

一本序云某啓伏觀知軍學士文文新理惠泉謹為拙詩十六句伏惟采覽

翠壁刻孱顏烟霞跬步間使君能愛客朝夕弄山泉
春巖已過春流長置酒來聽山溜響鑑中樓閣俯清池
雪裏峯巒開曉幌須知清興無時已酒美賓嘉自相對
席間誰伴謝公吟日暮多逢山簡醉淹留桂樹幾經春
野鳥巖花識使君使君今是罇前客誰與山泉作主人

過張至秘校莊

田家何所樂簞笠日相親桑條起蠶事菖葉候耕辰
望

歲占風色寬徭知政仁樵漁逐晚浦雞犬隔前村泉溜
塍間動山田樹杪分鳥聲梅店雨野色柳橋春有客問
行路呼童驚候門焚魚酌白醴但坐且懽忻

行次葉縣

朝渡汝河流暮宿楚山曲城陰日下寒野氣春深綠征
車倦長道故國有喬木行行漸樂郊東風滿平陸

將至淮安馬上早行學謝靈運體六韻

晴霞煦東浦驚鳥動烟林曙河兼斗沒杳

一作杳

嶂隱雲

深寒難隔樹起曲塢留風吟征夫倦行役秋興感登臨

衡

一作衡

臯積涂

一作除

迴江蘼香露沉行矣歲華晚歸興

勞歎音

自岐

一作枝

江山行至平陸驛五言二十四韻

岐江望平陸百里千餘嶺蕭條斷烟火莽蒼無人境峯

巒互前後南北失壬丙天秋雲愈高木落歲方冷水涉

愁蟻射

含沙也

林行憂虎猛萬仞懸巖崖一約履枯梗緣

危類猿猱陷淖若鼃鼃腰輿懼傾撲煩馬倦鞭警攀躋

誠畏塗習俗羨蠻獠度隘足雖踈因高目還騁九野畫

荆衡羣山亂巫郢烟嵐互明滅點綴成

一作若

圖屏時時

度深谷往往得佳景翠樹鬱如蓋飛泉溜垂綆幽花亂

黃紫舊粲弄光影山鳥囀成歌寒蛭嘒如哽登臨雖云

勞

一作廣

巨細得周省晨裝趁徒旅夕宿訪閭井村暗水

茫茫雞鳴星耿耿登高近佳節歸思時引領谿菊薦山

罇田駕佐烹鼎家近夢先歸夜寒衾屢整崎嶇念行役

昔宿已為永豈如江上舟棹歌方酩酊

初泛舟荆江棋酒甚歡故有此

春日西湖寄謝法曹歌

西湖春色歸，春水綠於染。羣芳爛不收，東風落如糝。

西湖

者許昌勝地也

參軍春思亂如雲，白髮題詩愁送春。

謝君有多情未老已

白髮野思到春如亂雲之句

遙知湖上一罇酒，能憶天涯萬里人。

萬里思春尚有情，忽逢春至客心驚。雪消門外千山綠，花發江邊二月晴。少年把酒逢春色，今日逢春頭已白。異鄉物態與人殊，惟有東風舊相識。

答謝景山遺古瓦硯歌

火數四百炎靈銷誰其代者當塗高窮姦極酷不易取
始知文景基局窄坐揮長喙啄天下豪傑競起如蝟毛
董呂催汜相繼死紹術權備爭咆哮力強者勝怯者敗
豈較才德為功勞然猶到手不敢取而使螟蝗生蝮蝎
子丕當初不自恥敢謂舜禹傳之堯得之以此失亦此
誰知三馬食一槽當其盛時爭意氣叱咤雷電生風颭
干戈戰罷數功闕周茂方召堯無臯英雄致酒奉高會
巍然銅雀高峇峇圓歌婉轉激清微妙舞左右回纖腰

一朝西陵

一作西朝
或作兩朝

看拱木寂寞總帳空蕭蕭當時淒

涼已可嘆而況後世悲前朝高臺已傾漸平地此瓦一

墜埋蓬蒿苔文半滅荒土蝕戰血曾經野火燒敗皮弊

網各有用誰使鐫鑿成凸凹景山筆力若牛弩句道語

老能揮毫嗟予奪得何所用簿領朱墨徒紛淆走官南

北未嘗捨緹襲三四勤緘包有時屬思欲飛灑意緒軋

軋難抽綵舟行屢備

一作被

水神奪往往冥晦遭風濤質

頑物久有精怪常恐變化成靈妖名都所至必傳玩愛

之不換魯寶刀長歌送我怪且偉欲報慙愧無瓊瑤

古瓦硯

甌瓦賤微物得廁筆墨間於物用有宜不計醜與妍金
非不為寶玉豈不為堅用之以發墨不及瓦礫頑乃知

物雖

一作微

賤當用價難攀豈惟瓦礫爾用人從古難

一作

然

新營小齋鑿地爐輒成五言三十七韻

霜降百工休居者皆入室墜戶畏初寒開爐代溫律規

模不盈丈廣狹足容膝軒窓共幽寂竹柏助蒙密辛勤
慚巧宦窮賤守卑秩無術政奚為有年秋屢實文書少
期會租訟省鞭扶地僻與世踈官閒得身佚荆蠻苦卑
陋氣候常壹鬱天日每陰翳風颭多凜凜衰顏慘時晚
病骨知寒疾蠻牀倦晨興籃輿厭朝出南山近樵採僮
僕免呵叱禦歲畜蹲鴟饋客薦包橘霜薪吹晶熒石鼎
沸啾唧披方養丹砂候節煎去聲秋朮西隣有高士輶軻
卧蓬華鶴髮善高談鮐背便平聲炎熨披裘屢相就束緼

亦時乞傳經伏生老愛酒揚雄吃晨灰煖餘盃夜火爆
山栗無言兩忘形相對或終日微生慕剛毅勉強去聲早

難屈自從世俗牽常恐天性失仰茲微官祿養此多病

質省躬由一言無枉慕三黜因知吏隱樂漸使欲心窒

面壁或僧禪倒冠聊酒逸螟蛉輕二豪一馬齊萬物啓

期為樂三叔夜不堪七負薪幸有一作自

瘳舊學頗思述

興亡閱今古

一作古今

圖籍羅甲乙魯冊謹會盟周公豸

吉詳

或作鮮

明左丘辯馳譽馬遷筆金石互鏗鉤風雲生


倏忽豁爾一開卷慨然時揜帙浮沉恣其間適若遂聲

取

一作
邀伏

吾居誰云陋得所乃非一五斗豈須慙優游歲

將畢



文忠集卷五十二

欽定四庫全書

集部

文忠集卷五十八

三至

詳校官庶吉士臣范達恩

檢討臣何思鈞覆勘

總校官降調編修臣倉聖脉

校對官檢討臣錢世錫

謄錄監生臣王尚珏

欽定四庫全書

文忠集卷五十三

宋 歐陽修 撰

外集三

古詩三

南獠

洪宋區夏廣恢張際四維狂孽久不聳民物含一作春

涵

熙耆稚適所尚游泳光華時遽然攝提歲南獠掠邊陲

予因叩村叟此事曷如斯初似却人問未語先涕垂收
涕謝客問為客陳始基撫水有上源水淺山嶮巖生民
三千室聚此天一涯狠勇復輕脫性若鹿與麋男夫不
耕鑿刀兵動相隨宜融兩境上殺人取其貲因斯久久
來此寇易為羈鼠竊及蟻聚近裏焉敢窺勢亦不久住
官軍來即馳景德祥符後時移事亦移四輔哲且善天
子仁又慈將軍稱招安兵非羽林兒龍江一牧拙邏騎
材亦非威惠不兼濟徒以官力欺智畧仍復短從此難

羈縻引兵卸甲嶺部陣自參差鋒鏑殊未接士卒心先

離奔走六吏死

初在懷遠軍卸甲嶺殺傷范禮賓王崇班等六人落陣死

明知國挫

威自茲賊聲震直寇融州涓縣宇及民廬燬蕩無孑遺

利鏃淬諸毒中膚無藥醫長刀斷人股橫屍滿通達婦

人及孳產驅負足始歸堂堂過城戍何人敢正窺外計

削奏疏一一聞宸闈赫爾天斯怒選將興王師精甲二

萬餘猛毅如虎貔劍戟凜秋霜旌榮閃朝曦八營與七

萃豈得多于茲外統三路進小敵胡能為前驅已壓境

後軍猶未知逶迤至蠻域但見空稻畦搜羅一月餘不
戰師自罷荷戈莫言苦負糧深可悲哀哉都督郵無辜

遭屠糜

昭州都曹皇甫僅三人部糧入洞遭蠻賊掩殺及害夫力千餘

曉咋計不出還

出招安辭半降半來拒蠻意猶狐疑厚以繒錦贈狙心
詐為卑戎帳草草起賊戈躡背揮我聆老叟言不覺顰
雙眉吮毫兼疊簡占作南獠詩顧值采詩官一數于彤
墀

寄聖俞

西陵山水天下佳，我昔謫官君所嗟。
官閒憔悴一病叟，縣古瀟灑如山家。
雪消深林自斲一作斲，筍人響空山隨。

摘茶有時携酒探，幽絕往往上下窮。
烟霞崑崙綠縹緲，可藉野卉青紅春。
自華風餘落葉飛，面旋日暖山鳥鳴。
交加貪追時俗翫，歲月不覺萬里留。
天涯今來寂寞西，罔口秋盡不見東。
籬花市亭挿旗鬪，新酒十千得斗不。
可賒材非世用，自當去一舸。
聳牙揮釣車，君能先往勿自滯。
行矣春洲生荻芽。

答梅聖俞寺丞見寄

憶昔識君初我少君方壯風期一相許意氣曾誰讓交
遊盛京洛罇俎陪丞相駉驪日相追鸞鳳志高颺詞章
盡崔蔡論議皆歆向文會忝予盟詩壇推子將談精鋒
愈出飲劇歡無量賈勇為無前餘光誰敢望茲年五六
歲人事堪悽愴南北頓睽乖相離獨飄蕩失杯由畫足
傷手因代匠移書雖激切拙語非欺誑安知乃心愚而
使所言妄權豪不自避斧質誠為當蒼皇得一邑奔走

踰千嶂楚峽聽猿鳴荆江畏蛟浪蠻方異時俗景物殊
氣象綠髮變風霜丹顏侵疾痒常憂鵬鳥窺幸免江魚
葬今茲荷寬宥遷徙來漢上憔悴戴囚冠驅馳嗟俗狀
王事多倥傯學業差遺忘未能解綬去所戀寸祿養舉
足畏逢仇低頭惟避謗忻聞故人近豈憚驅車訪一別
各衰翁相見問無恙交情宛如舊歡意獨能強幸陪主
人賢更值芳洲漲菱荷亂浮泛水竹涵虛曠清風滿談
席明月臨歌舫已見洛陽人重聞畫樓唱怡然意鬱寫

暫爾累囚放自從還邑來會此驕陽亢神靈多請禱租
訟煩咎撈猶須新秋涼漢水臨一作湧清漾野稼蕩浮雲
晴山開疊障聊以助吟詠亦可資酣暢北轅如未駕幸
子能來貺

酬聖俞朔風見寄

因君朔風句令我苦寒吟離別時未幾崢嶸歲再陰驚
颼擊曠野餘響入空林客路行役遠馬蹄冰雪深瞻言
洛中舊期我高陽吟故館哭知己新年傷客心相逢豈

能飲惟有涕沾襟

送琴僧知白

吾聞夷中琴已久常恐老死無其傳夷中未識不得見
豈謂今逢知白彈遺音髮鬢尚可愛何況之子傳其全
孤禽曉警言秋野露空澗夜落春崑泉二年遷謫寓三峽
江流無底山侵天登臨探賞久不厭每欲圖畫存於前
豈知山高水深意久以寫此朱絲絃酒酣耳熱神氣王
聽之為子心肅然嵩陽山高雪三尺有客擁鼻吟苦寒

負琴北走乞其贈持我此句為之先

聽平戎操

西戎負固稽天誅勇夫戰死智士謨上人知白何為者
年少力壯逃浮屠自言平戎有古操抱琴欲進為我娛
我材不足置廊廟力弱又不堪戈矛遭時有事獨無用
偷安飽食與汝俱爾知平戎競何事自苦無不由吾儒
周宣六月伐獫狁漢武五道征匈奴方叔召虎乃真將
衛青去病誠區區建功立業當盛日後世稱詠於詩書

平生又欲慕賈誼長纓直請繫單于當衢理檢四面啟
有策不獻空踟躕慙君為我奏此曲聽之空使壯士吁
推琴置

一作耽

酒恍若失誰謂子琴能起予

書宜城修水渠記後奉呈朱寺丞

因民之利無難為使民以說民忘疲樂哉朱君鄣靈堤
導鄢及蠻興衆陂古渠廢久人莫知朱君三月而復之
沃土如膏瘠土肥百里歲歲無凶菑

一作災

鄢蠻之水流

不止襄人思君無時已

谷正至始得先所寄書及詩不勝喜慰因書數韻
奉酬聖俞

寒日照深巷柴門朝尚閉有客自江來尺書千里至啟
書復何云但言南北異南方地常暖風物稱佳麗梅驕
入新年蘭皋動芳氣樂哉登臨興豈厭江湖滯伊予方
寂寞刻苦窮文字萬國會王州羣英馳騁軌方朔常苦
餓子雲非宦意歲暮慘風塵官閒倦朝市出處一云別
所思寧可冀春江有歸鴈但使音書繼

答梅聖俞

寒日照窮巷荆扉晨未開
驚聞遠方信有客渡江來
開緘復何喜宛若見瓊瑰
一爾乖出處未嘗持酒盃
官閒隱朝市歲暮慘風埃
音書日可待春鴈暖應回

病中聞梅二南歸

聞君解舟去秋水正泔泔
野岸曠歸思都門辭世紛
稍逐商帆伴初隨征鴈羣
山多淮甸出柳盡汴河分
楚色

蕪尚

一作上

綠江烟日半

一作畔

曉客意浩已遠離懷寧復

云宣城好風月歸信幾時聞

送蟾上人遊天台

昔年在伊洛林壑每相從對掃竹下榻坐思湖上峯自
言伊洛波每起滄洲憶今茲遠行邁千里東南國都門
汴河上柳色入青烟流水向淮浦歸人隨越船東南遍
林巘萬壑新流滿小桂綠應芳江春行已晚藹藹赤城
陰依依識古岑一去誰復見石橋雲霧深

送徐生秀州法曹

一笑暫相從
結交方恨晚
猶茲簿領困
况爾東南遠
落帆淮口暮
採石江洲暖
黃鸝可寄書
惟嗟雙翅短

讀山海經圖

夏鼎象九州
山經有遺載
空濛大荒中
杳靄羣山會
炎海積歊蒸
陰幽異明晦
奔趨各異種
倏忽俄萬態
羣倫固殊稟
至理寧一槩
駭者自云驚
生兮孰知怪
未能識造化
但爾披圖繪
不有萬物殊
豈知方輿大

依韻和聖俞見寄

與君結交深相濟同水火文章發春葩節行凜筠筭吾
才已愧君子齒又先我君惡予所非我許子云可厭趣
共垂時畏塗難轉輓道肥家所窮身老志彌果每嗟游
從異有甚樊籠鑠天匠染青紅花腰呈梟娜苟能杯酒
同直待冠巾墮無欺校讎貧鹽米尚餘顆

晏太尉西園賀雪歌

陰陽乖錯亂五行窮冬山谷暖不冰一陽且出在地上
地下誰發萬物萌太陰當用不用事益由姦將不斬虧

國刑遂令邪風伺間隙潛中瘟疫於疲氓神哉陛下至
仁聖憂勤懇禱通精誠聖人與天同一體意未發口天
已聽忽收寒威還水官正時肅物凜以清寒風得勢獵
獵走瓦乾霰急落不停恍然天地半夜白羣雞失曉不
及鳴清晨拜表東上閣鬱鬱瑞氣盈宮庭退朝騎馬下
銀闕馬滑不慣行瑤瓊晚趨賓館賀太尉坐覺滿路流
歡聲便開西園掃徑步正見玉樹花凋零小軒却坐對
山石拂拂酒面紅焰生主人與國共休戚不惟喜悅將

豐登須憐鐵甲冷徹骨四十餘萬屯邊兵

送吳照鄰還江南

霜前江水磨碧銅岸背菱葉翹青蟲吳郎鬢絲生幾縷
不羞月上扶桑東羞見清波照人景去時黑髮吹春風
五年歸來婦應喜從此不問西飛鴻

答朱案捕蝗詩

捕蝗之術世所非欲究此語興於誰或云豐凶歲有數
天孽未可人力支或言蝗多不易捕驅民入野踐其畦

因之姦吏恣貪擾戶到頭歛無一遺蝗災食苗民自苦
吏虐民苗皆被之吾嗟此語祇知一不完其本論其皮
驅雖不盡勝養患昔人固已決不疑秉蠹投火况舊法
古之去惡猶如斯既多而捕誠未易其失安在常由遲
說說最說子孫衆為腹所孕多蛄蚘始生朝畝暮已頃
化一為百無根涯口含鋒刃疾風雨毒腸不滿疑常飢
高原下隰不知數進退整若隨金輦嗟茲羽孽物共惡
不知造化其誰尸大凡萬事悉如此禍當早絕防其微

蠅頭出土不急捕羽翼已就功難施只驚羣飛自天下
不究生子由山陂官書立法空太峻吏愚畏罰反自欺
蓋藏十不敢申一上心雖惻何由知不如寬法擇良令
告蝗不隱捕以時今苗因捕雖踐死明歲猶免為蟊
吾嘗捕蝗見其事較以利害曾深思官錢二十買一斗
示一作亦以明信民爭馳歛微成衆在人力頃刻露積如
京坻乃知孽蟲雖甚衆嫉惡苟銳無難為往時姚崇用
此議誠哉賢相得所宜因吟君贈廣其說為我持之告

採詩

答蘇子美離京見寄

衆竒子美貌堂堂千人英我獨疑其胸浩浩包滄溟滄
溟產龍蜃百怪不可名是以子美辭吐出人輒驚其於
詩最豪奔放何縱橫衆絃排律呂金石次第鳴間以險
絕句非時震雷霆兩耳不及掩百病為之醒語言既可
駭筆墨尤其精少雖嘗力學老乃若天成濡毫弄點畫
信手不自停端莊雜醜怪羣星見欖槍爛然溢紙幅視

久無定形使我終老學得一已足矜而君兼衆美磊落
猶自輕高冠出人上誰敢揖其膺羣臣列丹陛幾位缺
公卿使之束帶立可以重朝廷況令參國議高論吐崢
嶸惜哉三十五白髮今已生近者去江淮作詩寄離情
口誦不及寫一日傳都城退之序百物其鳴由不平天
方苦君心欲使發其聲嗟我非驚驚徒思和嚶嚶因風
韋數寄警我聾與盲

立秋有感寄蘇子美

庭樹忽改色秋風動其枝物情未必爾我意先已悽雖
恐芳節謝猶忻早涼歸起步雲月暗顧瞻星斗移四時
有大信萬物誰與期故人在千里歲月令我悲所嗟事
業晚豈惜顏色衰廟謀今謂何胡馬日以肥

喜雪示徐生

清穹

一作空

凜冬威旱野渴天澤經旬三尺雪萬物變顏

色愁雲噓不開慘慘連日夕寒風借天勢豪忽肆陵轢
空枝凍鳥雀癡不避彈弋長河寂無聲厚地若龜坼陰

階夜自照缺瓦晨復積貯潔瑩冰壺量深埋玉尺凝陰
反窮剝陽九兆初晝春回百草心氣動黃泉脉堅冰雖
未破土潤已潛釋常聞老農語一臘見三白是為豐年
候占驗勝著策天兵血西陲萬轍走供億嗟予媿疲俗
奚術肥爾瘠惟幸歲之穰茲惠豈人力非徒給租調且
可銷盜賊從今潔黼廩期共飽麴麥

賦竹上甘露

梢梢兩竹枝甘露葉間垂草木有靈液陰陽疑以時深

山與窮谷往往嘗有之幸當君子軒得為衆人知物生
隨所託晦顯各有宜聊以助歌詠兼堪飲童兒

和對雪憶梅花

昔官西陵江峽間野花紅紫多爛班惟有寒梅舊所識

異鄉每見心

一作必

依然為憐花自洛中看花上蜀鳥啼

綿蠻當時作詩誰唱和粉蘂自拆清香繁今來把酒對
殘雪却憶江上高樓山羣花四時媚者衆何獨此樹令
人攀窮冬萬木立枯死玉艷獨發凌清寒鮮妍皎如鏡

裏面綽約對若風中仙惜哉北地無此樹霰雪漫漫平
沙川徐生隨我客此郡冰霜旅舍逢新年憶花對雪晨
起坐清詩寶鐵裁琅玕長河風色暖將動即看綠柳含
春烟寒齋寂寞何以慰卯盃且醉酣午眠

歸鴈亭

荒蹊臘雪春尚埋我初獨與徐生來城高樹古禽鳥野
聲響格磔寒毡毳顏垣敗屋巍然在畧可遠眺臨傾臺
高株唯有柳數十夾路對立初誰栽漸誅榛莽辨草樹

頗有桃李當墻隈欣然便擬趁時節斤鋤日夕勞耘培
新年風色日漸好晴天仰見鴈已回枯根老脉凍不發
逸之百匝空徘徊頑姿野態煩造化勾芒不肯先噉吹
酒酣幾欲搗大鼓驚起龍蟄驅春雷偶然不到才數日
顏色一變由誰催翠芽紅粒迸條出纖趺嫩萼如剪裁
卧槎燒枿亦強發老朽不避衆艷咍姹然山杏開最早
其餘紅白各自媒初開盛發與零落皆有意思牽人懷
衆芳勿使一時發當令一落續一開畢春應須酒萬斛

與子共醉三千盃

送韓子華

嗟我久不見韓子如讀古書思古人忽然相逢又數日
笑語反不共一罇諫垣尸居職業廢朝事汲汲勞精神
子華筆力天馬足駑駘千百誰可羣嗟予老鈍不自笑
尚欲疾走追其塵子華有時高談駭我聽榮枯萬物移
秋春所以不見令我思見之如飲玉醴醇叩門下馬忽
來別高帆得風披飛雲離懷有酒不及寫別後慰我寓

於文

送李太傅知冀州

端懿

吾慕李漢超為將勇無儔養士三千人人百貌貅關
南三十年天子不北憂吾愛李允則善覘多計籌虜動
靜寢食皎如在雙眸出入若變化談笑摧敵謀恩信浹
南北聲名落燕幽二公材各異戰守兩堪尤天下不用
兵爾來三十秋今其繼者誰守冀得李侯李侯年尚少
文武學彬彪河朔一尺雪北風煖貂裘上馬擘一作臂長

弓白羽飛金鏃臨行問我言我慙本儒鯁漢超雖已久
故老尚歌謳允則事最近猶能想風流將此聊為贈勉
哉行無留

石篆詩

并序

某啟近蒙朝恩守此州州之西南有瑯琊山唐李幼卿
庶子泉者某在館閣時方國家詔天下求古碑石之文
集于閣下因得見李陽冰篆庶子泉銘學篆者云陽冰
之迹多矣無如此銘者嘗欲求其本而不得于今十年

矣及此來以獲焉而銘石之側又陽冰別篆十餘字尤
奇於銘文世罕傳焉山僧惠覺指以示予予徘徊其下
久之不能去山之奇迹古今紀述詳矣而獨遺此字予
甚惜之欲有所述而患文字之不稱思予嘗愛其文而
不及者梅聖俞蘇子美也因為詩一首并封題墨本以
寄二君乞詩刻于石

寒崑飛流

一作酒

落青苔旁斲石篆何奇哉其人已死骨

已朽此字不滅留山隈山中老僧憂石泐印之以紙磨

松煤欲令留傳在人世持以贈客比瓊瑰我疑此字非
筆畫又疑人力非能為始從天地胚渾判元氣結此高
崔嵬當時野鳥踏山石萬古遺迹於蒼崖山祇不欲人
屢見每吐雲霧深藏埋羣仙飛空欲下讀常借海月清
光來嗟我豈能識字法見之但覺心眼開辭慳語鄙不
足記封題遠寄蘇與梅

題滁州醉翁亭

四十未為老醉翁偶題篇醉中遺萬物豈復記吾年但

愛亭下水來從亂峰間聲如自空落瀉向兩簷前流入
巖下溪幽泉助涓涓響不亂人語其清非管絃豈不美
絲竹絲竹不勝繁所以屢携酒遠步就潺湲野鳥窺我
醉溪雲留我眠山花徒能笑不解與我言惟有巖風來
吹我還醒然

贈學者

人稟天地氣乃物中最靈性雖有五常不學無由明輪
曲操而就木直在中繩堅金礪所厲玉琢器乃成仁義

不遠躬勤勤入至誠學既積於心猶木之敷榮根本既堅好茲鬱鬱其幹莖爾曹宜勉勉無以吾言輕

春寒效李長吉體

東風吹雲海天黑飢龍凍雲雨不滴噴雷隱隱愁烟白宿露無光瑤草寂東皇染花滿春國天為花迷借春色

呼雲鏢日

一作目

恐紅蕩幾日春陰養花魄悠悠遠絮繁

空擲愁思

一作絲

織春挽不得高樓去天無幾尺遠岫參

差亂屏碧

幽谷

一作豐樂亭

晚飲

一徑入蒙密已聞流水聲行穿翠篠盡忽見青山橫山
勢抱幽谷谷泉含石泓旁生嘉樹林上有好鳥鳴鳥語
谷中靜樹涼泉影清露蟬已嘒嘒風留時泠泠渴心不待
飲醉耳傾還醒嘉我二三友偶同丘壑情環流席高蔭
置酒當崢嶸是時新雨餘日落山更明山色已可愛泉
聲難久聽安得白玉琴寫以一作朱絲繩

文忠集卷五十三

欽定四庫全書

文忠集卷五十四

宋 歐陽修 撰

外集四

古詩四

桐花

猗猗井上桐花葉何蓑蓑下蔭百尺泉上聳凌雲材日出
花照耀飛香動浮埃今朝一雨過狼籍黏青苔斯桐乃

誰樹意若銘吾齋常聞漢道隆上下相和諧選吏擇孝
廉視民嬰與孩政聲如九韶百物絕妖災優優潁川守
能致鳳凰來到此幾千載丹山自崔嵬聖君勤治理百
郡列賢才嗟爾不自勉鳳凰其來哉

思二亭送光祿謝寺丞歸滁陽

吾嘗

一作常

思醉翁醉翁名自我山林本我性章服偶包

裏君恩未知報進退奚為可自非因讒逐決去焉

一作詎

能果前時永陽謫誰與脫韁鑱山氣無四時幽花常姸

娜石泉咽然鳴野艷笑而傴賓歡正諠譁翁醉已爰我
我樂世所悲衆馳予坎軻惟茲三二子嗜好其二字一作學甚
同頗因歸謝巖石為我刻其左

吾嘗

一作常

思豐樂魂夢不在身三年永陽謫幽谷最來

頻谷口兩三家山泉為四鄰但聞山泉聲豈識山意春
春至換羣物花開思故人故人今何在憔悴潁之濱人
去山自綠春歸花更新空令谷中叟笑我種花勤

堂中畫像探題得杜子美

風雅久寂寞吾思見其人杜君詩之豪來者孰比倫生
為一身窮死也萬世珍言苟可垂後士無羞賤貧

和徐生假山

匠智無遺巧天形極幽探謂我愛山者為山列前簷頽
垣不數尺萬嶮由心潛或開如斷裂或吐似鈇鉞或長
隨靡迤或瘦露空嵌陰一作險穴覷杳杳高屏立巉巖後

出忽孤聳羣奔沓相參變若氣融結突如鬼鑄鑊昔歲
貶荆楚扁舟極東南孤山馬當夾兩岸臨江潭常恨江

水惡輕風不留帆峯巒千萬狀可愛不可談但欲借粉
繪圖之掛紈縑豈知几席間百態生濃纖暮雲點新翠
孤烟起朝嵐況此窮冬節陰飈積凝嚴幽齋喜深處遠
目生遐瞻晝卧不移枕晨興自開簾吾聞君子居出處
無常占卷道或獨善施物仁貴兼於時苟無益懷祿古
所慙嵩山幸不遠薇蕨豈不甘自可結幽侶披雲老溪
巖胡為不即往一室安且恬辱子贈可愧因詩以自讒

送楊員外

予昔走南宮江湖浩然涉今來厭塵土常懷把輕楫聞
君東南行山水恣登躡秋江湛已清樹色映丹葉羨君
舟挿櫂去若魚鼓鬣君家兄弟才門族當世甲行期薦
賢書疾驛求上閣

讀梅氏詩有感示徐生

子美忽已死聖俞舍吾南嗟吾譬馳車而失左右驂勅
敵嘗壓壘羸兵當戒嚴凡人貴勉強情逸易安恬吾既
苦多病交朋復凋殲篇章久不作意思如膠粘良田失

時耕草莽廢鋤芟美井不日汲何由發清甘偶開梅氏
篇不覺日掛簷乃知文字樂愈久益無厭吾嘗一作常哀
世人聲利競爭貪哇咬齧兩耳死不享韶咸而幸知此
樂又常深討探今官得閒散舍此欲奚耽頑庸須警策
賴子發其箱

和人三橋

笳鼓下層臺旌旗轉長嶼橋響驚歸軒溪明望行炬
北臨白雲澗南望清風閣出樹見人行隔溪聞魚躍

斷虹跨曲岬倒影涵清波為愛斜陽好迴舟特特過

初夏劉氏竹林小飲

春榮忽已衰夏葉換初秀披荒得深蹊掃綠蔭清晝萬
竿交已聳千畝蔚何富驚雷迸狂鞭霧箨舒文繡虛心
高自擢勁節晚愈瘦雖慙桃李妖豈愧松柏後川源湛
新霽林際洗昏霧猗猗色可餐滴滴翠欲溜况茲夏首
月景物得嘉候晚蝶舞新黃孤禽弄清味窺深入牕蒙
玩密愛林茂依依帶幽澗隱隱見孤岫林籐罍堪眠野

汲冷可漱鳴琴瀉山風高籟發仙奏暑却自蠲渴心閒
疑愈疲杯盤雜芬芳圖籍羅左右怡然忘簪組釋若出
羈廐矧予懷一丘未得解黃綬官事偶多閒郊扉須屢
叩新篁漸添林晚筍堪薦豆誰邀接羅公有酒幸相就
眼有黑花戲書自遣

洛陽三見牡丹月春醉往往眠人家揚州一遇芍藥時
夜飲不覺生朝霞天下名花惟有此樽前樂事更無加
如今白首春風裏病眼何須厭黑花

送朱生

萬物各有役無心獨浮雲遂令幽居客日與山雲親植
桂比芳操佩蘭思潔身何必濯於水本無纓上塵

雪

時在潁州作玉月梨花練絮
白舞鸞鶴銀等事皆請勿用

新陽力微初破萼客陰用壯猶相薄朝寒稜稜風

疑

莫

犯暮雪綈綈止還作驅馳風雲初慘淡炫晃山川漸開
廓光芒可愛初日照潤澤終為和氣爍美人高堂晨起
驚幽士虛牕靜聞落酒壚成徑集餅罌獵騎尋蹤得狐

貉龍蛇掃處斷復續猊虎團成呀且攫共貪終歲飽
麋麥豈恤空林飢鳥雀沙墀朝賀迷象笏桑野行歌沒芒
屨乃知一雪萬人喜顧我不飲胡為樂坐看天地絕氛
埃使我胸襟如洗滌脫遺前言笑塵雜搜索萬衆窺冥
漠穎雖陋邦文士衆巨筆人人把矛槩自非我為發其
端凍口何由開一噓

雪晴

悠悠野水來
艷艷西溪濶
曉日披宿雲
荒臺照殘雪
風

光變窮臘歲律新陽月凍卉意初回綠醅浮可撥人間
樂朋友鳥哢知時節豈止探芳菲耕桑行可閱

琴高魚

琴高一去不復見神仙雖有亦何為溪鱗佳味自可愛
何必虛名務好奇

竹間亭

二首其一已見居士集

高亭照初日竹影涼蕭森新篁漸解籜翠色日已深雨
多莓苔青幽徑無人尋靜趣久乃得暫來聊解襟清

風颯然生鳴鳥送好音佳時不易得濁酒聊自斟興盡
即言返重來期抱琴

箕山

朝下黃鑪坂夕望箕山雲緬懷巢上客想彼嵩中人弱
歲慕高節壯年嬰世紛漱流羨潁水振衣嗟洛塵空祠
亂驚鳥山木含餘曛聊茲謝芝桂歸月及新春

西園

落日叩溪門西溪復何所人侵樹裏耕花落田中雨平

野見南山荒臺起寒霧歌舞昔云誰今人但懷古

白兔

天冥冥雲濛濛白兔擣藥姮娥宮玉關金鑰夜不閉竄
入滁山千萬重滁泉清甘瀉大壑滁草軟翠搖輕風渴
飲泉困棲草滁人遇之豈山道網羅百計偶得之千里
持為翰林寶翰林酬酢委金璧珠箔花籠玉為食朝隨孔
雀伴暮綴鸞皇翼主人邀客醉籠下京洛風埃不露席羣
詩名貌極豪縱爾兔有意果誰識天資潔白已為累物性

拘囚盡無益上林榮落幾時休回首峯巖斷消息

偶書

吾見陶靖節愛酒又愛閒二者人所欲不問愚與賢奈何古今人遂此樂尤難飲酒或時有得閒何鮮焉浮屠老子流營營盈市廛二物尚如此仕宦不待言官高責愈重祿厚足憂患暫息不可得况欲閒長年少壯務貪得銳意力爭前老來難勉強思此但長歎決計不宜晚
歸耕潁尾田

日本刀歌

昆夷道遠不復通世傳切玉誰能窮寶刀近出日本國
越賈得之滄海東魚皮裝貼香木鞘黃白間雜鍮與銅
真鍮似金真銅似銀百金傳入好事手佩服可以攘妖凶傳聞其

國居大島土壤沃饒風俗好其先徐福詐秦民採藥淹
留邕童老百工五種與之居至今器玩皆精巧前朝貢
獻屢往來士人往往工詞藻徐福行時書未焚逸書百
篇今尚存令嚴不許傳中國舉世無人識古文先王大

典藏夷貊蒼波浩蕩無通津
令人感激生流涕鋪瀝短
刀何足云

會峯亭

山勢百里見新亭壓其巔
羣峯漸靡迤高下相綿聯
下窺疑無地杳藹但蒼烟
是時新雨餘衆壑鳴春泉
林籟靜更響昔山光晚逾鮮
崑花為誰開春去夏猶妍
野鳥窺我醉谿雲留我眠
日暮山風來吹我還醒然
醉醒各任物雲鳥徒留連

晚步綠陰園遂登凝翠亭

餘春去已遠綠水涵新塘漸愛樹陰密初迎蕙風涼高
亭可四望繞郭青山長野色晚更好嵐曛共微茫幽懷
不可寫雅詠同誰觴明月如慰我開軒送清光

聖俞惠宣州筆戲書

聖俞宣城人能使紫毫筆宣人諸葛高世業守不失緊
心縛長毫三副頗精密硬軟適人手百管不差一京師
諸筆工牌榜自稱述累累相國東北若衣縫蟲或柔多

虛尖或硬不可屈但能裝管搨有表曾無實價高仍費
錢用不過數日豈如宣城毫耐久仍可乞

贈潘景溫叟

秦盧不世出俗子相矜誇治疾不知

一作求

源橫死紛如

麻番陽奇男子衣冠本儒家學本得心訣照底窮根厓
泠然鑒五藏曾靡毫釐差公卿掃榻迎黃金載盈車語
言無羽翰飛入萬齒牙相逢京洛下使我驚且嗟七年
慈母病庸工口咿啞恨不早見君以乞壺中砂通宵耳

高論飲恨知何涯
瞥然別我去征途
指烟霞孤雲不可
留淚線風中斜

學書二首

蘇子歸黃泉筆法遂中絕
賴有蔡君謨名聲馳晚節
醉翁不量力每欲追其轍
人生浪自苦以取兒女悅
豈止學書然自悔從今決

學書不覺夜但怪西窗暗
病目故已昏墨不分濃淡
人生不自知勞苦殊無憾
所得乃虛名榮華俄頃暫
豈止

學書然作銘聊自鑒

奉使道中作三首

執手意遲遲出門還草草無嫌去時速但顧歸時早北風
吹雪犯征裘夾路花開回馬頭若無二月還家樂爭奈
千山遠客愁

為客莫思家客行方遠道還家自有時空使朱顏老禁
城春色暖融怡花倚春風待客歸勸君還家須飲酒記
取思歸未得時

客夢方在家角聲已催曉忽忽行人起共怨角聲早馬
蹄終日踐冰霜未到思回空斷腸少貪夢裏還家樂早

起前山

一作
山前

路正長

奉使道中寄坦師

道人少賈海上遊海舶破散身沉浮黃金滿篋人所寄
吹簫偶得還中州羸身歸金不受報祇取斗酒相獻酬
歡娛慈母終一世脫棄妻子藏巖幽蒼烟寥寥池水漫
白玉茁茁吹高秋夜燃柏子煮山藥憶此東望無時休

塞垣春枯積雪溜沙礫威怒黃雲愁五更匹馬隨鴈起
想見鄮郭花今稠百年夸奪終一丘世上滿眼真悠悠
寄聲萬里心綢繆莫道異趣無相求

勉劉申

有司精考覈中第為公卿本基在積習優學登榮名吾
子齒尚少加勤無自輕努力圖樹立庶幾終有成

壽樓

碧瓦照日生青烟誰家高樓當道邊昨日丁丁斤且斲

今朝朱欄橫翠幕主人起樓何太高欲誇富力壓羣豪
樓中女兒十五六紅膏畫眉雙鬢綠日暮春風吹管弦
過者仰首皆留連應笑樓前騎馬客腰垂金章頭已白
苦貪名利損形骸爭若庸愚恣聲色朝見騎馬過暮見
騎馬歸經年無補朝廷事何用區區來往為

試院聞奚琴作

奚琴本出奚人樂奚虜彈之雙淚落抱琴置酒試一彈
曲罷依然不能作黃河之水向東流鳬飛鴈下白雲秋

岸上行人舟上客朝來暮去無今昔哀絃一奏池上風
忽聞如在河舟中絃聲千古聽不改可憐纖手今何在
誰知著意弄新音斷我樽前今日心當時應有曾聞者
若使重聽須淚下

乞藥有感呈梅聖俞

宣州紫沙合圓若截郢筒偶得今十載走官一作官南北

東持之聖俞家乞藥戒羸僮聖俞見之喜遽以手磨礱
謂此吾家物問誰持贈公因嗟與君交事事無不同憶

昔初識面青衫游洛中高標不可揖杳若雲間鴻不獨
體輕健目明仍耳聰爾來三十年多難百憂攻君晚得
奇藥靈根斷離宮其狀若狗蹄其香比芎藭愛君方食
貧面色悅以豐不憚乞餘劑庶幾助衰癯平時一笑歡
飲酒各爭雄向老百姓出區區論藥功衰盛物常理循
環勢無窮寄語少年兒慎勿笑兩翁

擬剝啄行寄趙少師

剝剝復啄啄柴門驚鳥雀故人千里駕信士百金諾措

紳相趨動顏色間巷歡呼共嗟愕顧我非惟慰寂寥於
時自可警偷薄事國十年憂患同酣歌幾日暫相從酒
醒初不戒徒馭歸思瞥起如飛鴻車馬聞然人已去荷
鋤却向野田中

絕句

冷雨漲焦陂人去陂寂寞惟有霜前花鮮鮮對高閣

聯句四首

冬夕小齋聯句寄梅聖俞

陸經

寒牕明夜月

歐一作夜月明

散帙耿燈火破硯裂冰澌

陸敗席

薦霜寄廢書浩長吟

歐

想子實勞我清篇追曹劉

陸苦

語侔島可酣飲每頽山

歐

談笑工炙輠駕言當有期

陸

歲晚何未果幽夢亂如雲

歐

別愁牢若鎖雪水漸連漪

陸

春枝將婀娜客心莫遲留

歐

苑葩即紛墮何當迎笑

前

陸

相逢嘲飯顆

歐

劍聯句

苑仲淹滕宗諒

聖人作神兵以定天下厄

范

蚩尤發靈機干將構雄績

歐
索籥天地開鑪治陰陽關勝南帝輸火精西皇降金

液歐炎炎崑岡熒灼洪河擘范雷霆助意氣日月淪

精魄勝神氣不在大錯落就三尺直淬靈溪泉橫磨太

行石歐雄雌威並立晝夜光相射范提携風雲生指顧

烟霞寂勝堅剛正人心耿介志士跡歐初疑成夏鼎魑

魅世所適勝又若引吳刀犀象謂疑無隔范截波虬尾

滑脫浪鯨牙直頑冰挂陰雷皓月乘孤隙歐河角起彗

氣雲鏘露秋碧曉鐔星斗爛夜匣飛龍宅范舞酣霰雪

回彈俊球琳擊鮮搖雪水光膩刮湘山色滕青蛟渴雨

瘦素虺蟠霜瘠歐清音鏘以鳴寒姿堅且澤范鬼類喪

影響佞黨摧肝膈歐一旦會神武四海屠兇逆范周王

奉天討商郊千里赤歐楚子揚軍聲秦師萬首白祥輝

冠吳楚殺氣橫燕易范與君斬鼉足八極停震虢歐與

君刺鵬翼三辰增煥赫莫使化猿翁辱我為幻惑范莫

使暴虎人屈我執仇敵滕尊嚴俟冠冕左右舞干戚歐

功成不可留延平空霹靂

鶴聯句

范仲淹
滕宗諒

上霄降靈氣鍾此千年禽范幽閒靖節性孤高伯夷心

歐頽頽紫霄垠飄飄滄浪濔歐岳湛有仙姿釣韶無俗

音范毛滋月華淡頂粹霞光深歐目流泉客淚翅垂羽

人襟滕騰漢雪千丈點溪霜半尋范纖喙礪青鐵脰脰

雕碧琳歐巖棲干溪樹澤飲卑蹄泔滕鸞皇自墮荒燕

雀徒商參范獨翅聳瓊枝羣舞傾瑶林歐病餘霞雲段

夢回松吹吟滕靜嫌鸚鵡言高笑鴛鴦淫范金精冷澄

澈玉格寒蕭森

歐

潔白不我恃腥羶非所任

滕

稻梁不

得已蟣虱胡為侵

范

天池憶鵬遊雲羅傷鳳沈

滕

風流

超縞

一作起積

素雅淡絕規箴

歐

相親長道情偶見銷煩襟

范

西漢惜馮唐華皓欲投簪

歐

南朝仰衛玠清羸疑不

禁

滕

端如方直臣處羣良足欽

范

介如廉退士驚秋猶

在陰

范

幾誚鷹隼鷙羈鞫俄見臨

歐

還嗤鳬鷺貪弋繳

終就擒

歐

乘軒乃一芥空籠仍萬金

滕

片雲伴送影冥

冥越烟岑

范

長飈送逸響亭亭

疑

出

一作幽

霜砧

歐

蓬瀛

忽往來桑田成古今

歐

願下八佾庭鼓舞薰風琴

滕

來鶯堂與趙叔平王禹玉王原叔韓子華聯句

嘉祐

三年見華陽集中

賢侯謝郡歸從游樂吾黨林泉富餘地卜築疏陳莽是時春正中來鶯音下上若賀大厦成喜留衆賓賞

樂得

名因談笑揮墨梁題榜所夸賢豪盛豈止池榭廣人心

樂且間鳥意頡而頤吟鐫敞花軒醉枕酣風幌

歐

輕雲

薄藻棟初日麗珠網紅袂生暗香清絃泛餘響林深隱

飛蓋岸曲遲去槳波光欄檻明竹氣衣巾爽

珪

虛容涼

樾入影與文連蕩晨飈轉綠蕙夕雨滋膏壤嘉辰喜盍

朋命駕期屢往觴詠陶淑真世俗豈吾倣

洙

得以為勝

游蕭然散煩想公子固好士世德復可象今此大基構

不圖專奉養美哉風流存來葉足師仰

絳

文忠集卷五十四

欽定四庫全書

文忠集卷五十五

宋 歐陽修 撰

外集五

律詩一

漢宮

桂館神君去甘泉輦道平翠華飛蓋下豹尾屬車迎曉
露寒浮掌光風細轉旌廊回偏費步珮遠尚聞聲玉樹

人間老珊瑚海底生金波夜夜意偏照影娥清

送劉半千平陽簿

假道歸故里

嶺梅歸驛路迢迢越鳥巢傾木半喬松徑就荒聊應召
桂叢留隱定相招家庭噪鵲爭喧樹夜帳驚猿自擁條
何處秋風催客鬢青絲恐逐物華凋

一作銷

樓頭

百尺樓頭萬疊山楚江南望隔晴烟雲藏白道天垂幕
簾捲黃昏月上弦桑落蒲城催熟酒柳衰章陌感凋年

髮光如葆寧禁恨不待為郎已颯然

夕照

夕照留歌扇餘輝上桂叢霞光晴散錦雨氣晚成虹燕
下翻池草鳥驚傍井桐無慘照湘水丹色映秋風

送張學士知郢州

漢郎清曉赤墀趨楚老西來望隼旟侍史護衣薰蕙草
輓轡要劔從驪駒陽春繞雪歌低扇油幕連雲水泛渠
千里修門對沔浦好尋遺玦弔三閭

曉詠

簾外星辰逐斗移
紫河聲轉下雲西
九雛烏起城將曙
百尺樓高月易低
露裊蘭苕惟有淚
秋荒桃李不成蹊
西堂吟思無人助
草滿池塘夢自迷

禁火

火禁開何晚
春芳半已凋
柳風兼絮墜
榆雨帶錢飄
淚翦蘭膏盡
弦虧桂魄消
祓蘭流水曲
游禊一相招

送趙山人歸舊山

屈賈江山思不休
霜飛翠葆忽驚秋
吟拋楚畹蘭苔老
歸有淮山桂樹留
聒耳春池蛙兩部
比封秋塢橘千頭
嗔條怒穎真堪愧
莫染衣塵更遠遊

閒居即事

巷有容車陋門無
載酒過池喧蛙怒
雨客去雀驚羅握
臂如枝骨哀絃繫

一作擊

筋歌無慘漳浦卧
還似詠中阿

傷春

蕙蘭蹊徑失芳期
風雨春深怯減衣
卷箔高樓驚燕入

揮絃遠目送鴻歸蜂催釀蜜愁花盡絮撲暄條妬雪飛
欲識傷春多少恨試量衣帶忖腰圍

公子

黃山開苑獵初回絳樹分行舞遞來下馬春場雞鬪距
鳴絃初日雉驚媒犀投博齒呼成白橋隔車音聽似雷
不問春蠶眠未起更尋桑陌到秦臺

夜意

蕙炷爐薰斷蘭膏燭艷煎夜風多起籟曉月漸虧弦鵲

去星低漢烏啼樹暝烟惟應牆外柳三起復三眠

寄張至秘校

關山一里一重愁念遠傷離兩未休南陌望窮雲似帳
西樓吟斷月如鉤柳綿飛後一作處春應減蘭徑荒時客
倦游擬寄東流問溝水亦應溝水更東流

寄徐翼秀才

瑤花飛雪蕩離愁鶚鴉驚風下綠疇畦苑樹荒誰共客
楚江楓老獨悲秋千重錦浪翻如箭萬疊春山翠入樓

章陌柳條今在否
定臨溝水拂東流

寄劉昉秀才

絲路縈回細入雲
離懷南陌草初薰
茂林修竹誰同契
明月春蘿定勒文
燕憶銅鞮來不定
鴻歸碣石信難分
東風鴛友應相望
懊惱孤飛不及羣

送客回馬上作

南浦空波綠西陂夕照寒
瑤華傷遠道芳草送歸鞍
翠斂遙山疊氛收古澤寬
衰容畏秋色不及楚楓丹

西征道中送陳舅秀才北歸

碁墅風流謝舅賢
髮光如葆惜窮年
人隨黃鵠飛千里
酒滿樓烏送一絃
望驛早梅迎遠使
拂鞍衰柳扣歸鞭
越禽胡馬相逢地
南北思歸各黯然

送目

送目衡

一作衛

皋望不休江蘋高下遍汀洲
長堤柳曲妨

回首小苑花深礙
倚樓楚徑蕙風消
病渴洛城花雪蕩
春愁流杯三日佳
期過擲度蘭波負
勝遊

春晚

小閤回殘夢，開簾轉曉暉。露寒風不定，花落鳥驚飛。病

渴偏思柘

一作蕉。楚詞：漢志作柘。晉書杜詩作蕉。

朝寒怯減衣，無錢將謝

雪持底送春歸。

劉秀才宅對奕

防

烏巷招邀謝墅中，紫囊香珮更臨風。塵驚野

一作烽

火遙

知獵，目送雲羅但聽鴻。六著比犀鳴博勝，百嬌柘矢捧

壺空。解衣對子歡何極，玉井移陰下翠桐。

送李實

幾幅歸帆不暫停
吳天遙望斗牛橫
香薰翠被乘青翰
波暖屏風詠紫莖
江水自隨潮上下
月輪閒與蚌虧盈
河橋折柳傷離後
更作南雲萬里行

早夏鄭工部園池

夜雨殘芳盡
朝暉宿霧收
蘭香纔馥徑
柳暗欲翻溝
夏木繁堪結
春蹊一作畦翠已稠
披襟楚風快
伏檻更臨流

舟中寄劉昉秀才

東南天濶漾歸流西北雲高斷寸眸
明月隨人來遠浦
青山苔鼓送行舟
歸心逐夢成魚鳥
夜漢看星識斗牛

釀一作
醖

酒開樽誰共醉清江聊且玩游儵

儵一作
游

月夕

月氣初升海屏光半隱
扉寒消覺春盡漏永送籌稀
蘭燭風驚燼烟簾霧縠濕衣
清羸急寬帶頻減故時圍

奉送叔父都官知永州

虎頭盤綬貴垂紳
青組名郎領郡頻
畫鷁千艘隨下瀨

聽雞五鼓送行人
楚波漾楫萍如日
淮月開舲蚌有津
千里壺漿民詠溢
檣烏旛隼下汀蘋

柳

綠樹低昂不自持
河橋風雨弄春絲
殘黃淺約眉雙斂
欲舞先誇手小垂
快馬折鞭催遠道
落梅橫笛共餘悲
長亭送客兼迎雨
費盡春條贈別離

舟中望京邑

東北歸川泱泱流
汎汎青渚暫夷猶
遙登灞岸空回首

不見長安但舉頭揮手愁琴空墮曉開樽魯酒不忘憂
青門柳色春應遍猶自留連杜若洲

小圃

桂樹鴛鴦起蘭茗翡翠翔風高絲引絮雨罷葉生光蝶
粉花霑紫蜂茸露濕黃愁醒與消渴容易為春傷

即目

李徑陰森接翠疇疇押簾風日澹清秋晚鳥藏柳棲殘照
遠燕傷風失故樓星漢經年雖可望雲波千疊不減愁

平居革帶頻移孔誰問無慘沈隱侯

南征道寄相送者

楚天風雪犯征裘誤拂京塵事遠遊謝墅人歸應作詠
灞陵岸遠尚回頭雲含江樹看迷所目逐歸鴻送不休
欲借高樓望西北亦應西北有高樓

楚澤

宿莽湘纍怨幽蘭楚俗謠紫屏空自老翠被豈能招欲
就蒼梧訴愁迷澧浦遙哀猿羌晝晦悲鳩衆芳凋紅壁

丹砂板瓊鈎翡翠翹如何寧杜若江上獨無憀

題金山寺

地接龍宮漲浪賒鷲峯峯絕倚雲斜崑披宿霧三竿日
路引迷人四照花海國盜牙爭起塔河童施鉢但驚沙
春蘿攀倚難成去山谷疎鐘落暮霞

送竇秀才

晴原高下細如鱗樹轉城回路欲分望月西樓人共遠
躍鞍南陌草初薰短亭山翠偏多疊送目鴻驚不及羣

一驛賦成應援筆好憑飛翼寄歸雲

旅思

調苦歌非樂岐多淚始零羞彈長鋏終戀五侯鯖陌
草薰沙綠江楓照岸青南陔動歸思蘭葉向春馨

仙意

孤桐百尺拂非烟鳳去鸞歸夜悄然滄海風高愁燕遠
扶桑春老記蠶眠槎流千里纔成曲桂魄經旬始下弦
獨有金人寄遺恨晚盤雲淚冷涓涓

聞朱祠部罷潯州歸闕

漢柱題名墨未乾
南州坐布政條寬
嶺雲路隔梅歌驛
使駟秋歸柳拂鞍
建禮侵晨趨冉冉
明光賜對佩珊珊
潁川此召行聞拜
冠類凝塵俟一彈

勸征

沈約傷春思愁含倦久
游帆歸黃鶴

一作葦

浦人滯白蘋

洲乳燕差池遠
江禽格磔浮物華
真可玩黑鬢恐逢秋

鄭駕部射圃

夢草西堂射圃連
蘭茗初日露華鮮
暈含畫的弦開月
牙筭行籌酒滿船
鏤管思催吟韻劇
妓簾陰薄舞衣翩
當筵獨愧探牛炙
儉府芙蓉客盡賢

甘露寺

雲樹千尋隔翠微
給園金地敞仁祠
講花飄雨諸天近
春漏欹蓮白日遲
引鉢當空時取露
殘灰經劫自成池
危欄徙倚吟忘下
九子鈴寒塔影移

送友人南下

河橋別柳減春條
隔浦欸音聽已遙
千里羨尊誇敵酪
滿池漉稻欲鳴蜩
東風楚岸神靈雨
殘月吳波上下潮
如弔湘纍塞杜若
秋江斜日駐蘭橈

高樓

六曲雕欄百尺樓
簾波不定瓦如流
浮雲已映樓西北
更向雲西待月鉤

榴花

絮亂絲繁不自持
蜂黃蝶紫燕參差
榴花最恨來時晚

惆悵春期獨後期

宿雲夢館

北鴈來時歲欲昏
私書歸夢香難分
并桐葉落池荷盡
一夜西牕雨不聞

鷓鴣

花殘如霰落紛紛
紫陌空遺翠幃塵
鷓鴣在綠催節物
年華不信有傷春

簾

銀蒜鈎簾宛地垂桂叢鳥起上朝暉枉將玳瑁雕為押
遮掩春堂礙燕歸

行雲

疊疊烟波隔夢思離愁幾日減腰圍行雲自亦傷無定
莫就行雲託信歸

琵琶亭上作

九江烟水一登臨風月清含古恨深濕盡青衫司馬淚
琵琶還似雍門琴

柳

雨濶堤長走畫轅
絮兼梨雪墜春烟
東風苑外千絲老
猶伴吳蠶盡日眠

井桐

簷歌碧瓦拂傾梧
玉井聲高轉轆轤
腸斷西樓驚穩夢
半留殘月照啼烏

雪中寄友人

楚岸梅香半入衣
凍雲銀鑠曉光飛
遙應便面逢人處

走馬章街失路歸

與謝二學士

絳

唱和八首

和國庠勸講之什

春盡沂風暖芹生津水清雙旌榮照路博帶儼盈庭函

丈師臨席鏘金壁有經諸生拜玉

一作玉

袞欣識象丘形

和遊午橋莊

曉壇初畢祀弭蓋共尋幽鳥哢林中出泉聲冰下流攀

條驚雪盡翻袂愛風柔好駐城南馬春

一作秦

桑徧陌頭

和龍門曉望

水霧濛濛曉望平
悠然驅馬獨吟行
烟嵐明滅川霞上
凌亂空山百鳥驚

除夜偶成拜上學士三丈

萬瓦青烟夕靄生
斗杓迎歲轉東城
隋宮守夜沈香燎
楚俗驅神爆竹聲
玉樹羅階家宴盛
羽觴稱壽綵衣榮
九門朝客思公甚
向曉天風舞雪霙

陪飲上林院後亭見櫻桃花悉已披謝因成七言

四韻

尋芳長恨見花遲
豈意看花獨後期
試藉落英聊共醉
為憐殘萼更攀枝
清香肯以無人減
幽艷惟應有蝶知
開謝兩堪成悵望
香春不到柳絲時

昨日偶陪後騎同
適近郊謹成七言四韻兼呈聖俞

堤柳纔黃已落梅
尋芳弭蓋共徘徊
桑城日暖蠶催浴
麥隴風和雉應媒
別浦人嬉遺翠羽
弋林春廢鏤歌臺

歸鞍暮逼官街鼓府吏應驚便面回

和八月十五日齋宮對月

皓月三川靜晴氛萬里銷靈光望日滿寒色入波搖灝
氣成山霧浮雲蔽瓏苗廟荒陰燐出苑廢露螢飄齋館
心方寂秋城夜已遙清談對元亮瓊彩映蕭蕭

送學士三丈

一作送謝學士歸闕

供帳洛城邊

三字一作拂雲烟

征轅

一作鞍

去莫攀人醒風外酒

馬度雪中關故

一作舊

府誰同在新年獨未還遙應行路

者偏識綵衣斑

已上八篇居士集上載後一篇其不同者五字題云
送謝希深今本皆作送王學士希深三訛為王耳

文忠集卷五十五